



隋書卷第十

監修國史趙國公長孫無忌等撰

志第五

禮儀五

輿車之別蓋先生之所以列等威也然隨時而變代  
有不同梁初尚遵齊制其後武帝既議定禮儀乃漸  
有變革始永明中步兵校尉伏曼容奏宋大明中尚  
書左丞荀萬秋議金玉二輅並建碧旂象革木輅並  
建赤旂非時運所上又非五方之色今五輅五牛及



之名曰牽子

畫輪車一乘駕牛乘用如齊制舊史言之詳矣

衣書車十二乘駕牛漢皇蓋朱裏過江加綠油幢朱  
絲絡青交路黃金塗五末一曰副車梁朝謂之衣書  
車

皇太子鸞輅駕三馬左右駢朱班輪倚獸較伏鹿軾  
九旒畫降龍青蓋畫轡文輶黃金塗五末近代亦謂  
之鸞輅即象輅也梁東宮初建及太子釋奠元正朝  
會則乘之以畫輪為副若常乘畫輪以輅文者為

副畫輪車上開四望綠油幢朱繩絡兩箱裏飾以錦  
黃金塗五末

二千石四品已上及列侯皆給輅車駕牛伏兔箱青  
油幢朱絲絡轂輶皆黑漆天監二年令三公開府尚  
書令則給鹿轡輅施耳後戶阜輶尚書僕射左右光  
祿大夫侍中中書監令祕書監則給鳳轄輅後戶阜  
輶領護國子祭酒太子詹事尚書侍中列卿散騎常  
侍給聊泥輅無後戶漆輪車騎驃騎及諸王除刺史  
帶將軍給龍雀輅以金銀飾御史中丞給方蓋輅形

如小傘

諸王三公有助德者皆特加阜輪車駕牛形如犢車  
但烏漆輪轂黃金雕裝上加青油幢朱絲絡通憶或  
四望上臺三夫人亦乘之以揭幢涅憶為副王公加  
禮者給油幢絡車駕牛朱輪華轂大監二年令上臺  
六宮長公主公主諸王太妃妃皆得乘青油輿幢通  
憶車揭幢涅憶為副采女皇女諸王嗣子侯夫人皆乘  
赤油揭幢車以涅憶為副侍女直乘涅憶之乘

諸王三公並乘通憶平乘車竹篸子壁仰檟榆為輶

孔攷心

如今犢車輿舉憶通覆上

方州刺史並乘通憶平肩輿從橫施八橫亦得全渡  
裝較

天子至于下賤通乘步輿方四尺上施隱膝以及襜  
舉之無禁限載輿亦如之但不施脚以其就席便也  
優禮者人輿以升殿司徒謝朓以脚疾優之

五牛旗左青赤右白黑黃居其中蓋古之五時副車  
也舊有五色立車五色安車合十乘名為五時車建  
旗十一各如車色立車則正豎其旗安車則斜注馬

亦隨五時之色白馬則朱其鬣尾左右駢驂金髮鏤錫黃屋左纛如金根之制行則從後名五時副車晉過江不怕有事則權以馬車代之建旗其上後但以五色木牛象車豎旗於牛背使人輿之旗常纏不舒唯天子親戎乃舒其旆周遷以爲晉武帝平吳後造五牛之旗非過江始爲也

指南車太駕出爲先啓之乘漢初置俞兒騎並爲先驅左太冲曰俞騎騁路指南司方後廢其制而存其車記里車駕牛其中有木人執節車行一里則打一槌

鼓吹車上施層樓四角金龍銜旒蘇羽葆元鼓吹陸則樓車水則樓船在殿庭則畫笏處爲樓樓上有翔鷲樓鳥或爲鶴形

陳承梁末王琳縱火延燒車府至天嘉元年勅守都官尚書寶安侯到仲舉議造玉金象革木等五輅及五色副車皆金薄交龍爲輿倚較文龜伏軾蚪首銜軌左右吉陽籥纓鳥雀立爲樓文畫轡綠油蓋黃絞裏相思縹金華末斜注旂旗於車之左各依方色加榮戟於車之右韶以黻繡之衣獸頭幡長丈四尺懸於

戰抄玉輅正副同駕六馬餘輅皆駕四馬馬並黃金  
爲叉髦插以翟尾玉爲鏤錫又以絲畫赤油長三尺  
廣八寸繫兩軸頭古曰飛軫改以絲畫蛙蟆幡綴兩  
軸頭即古飛軫遺象也五輅兩箱後皆用玳瑁爲鷓  
翅加以金銀雕飾故俗人謂之金鷓車兩箱之裏衣以  
紅錦金花帖釘上用紅紫錦爲後檐青絞純帶夏用簾  
冬用綺繡褥此後漸修具依梁制

後魏天興初詔儀曹郎董謚撰朝饗儀始制軒冕未  
知古式多違舊章孝文帝時儀曹令李韶更奏詳定討

收志

論經籍議改正之唯備五輅各依方色其餘或輦猶  
未能具至熙平九年明帝又詔侍中崔光與安豐王  
延明博士崔瓚採其議大造車服定制五輅並駕五  
馬皇太子乘金輅朱蓋赤質四馬三公及王朱屋青  
表制同於輅名曰高車駕二馬庶姓士大夫及尚書令  
僕已下列卿已上並給輅車駕用一馬或乘四望通  
幟中駕一牛自斯以後條章糴備北齊咸取用焉其  
後因而著令並無增損

王庶姓下儀同三司已上親公主雉尾扇此傘白皇宗

及三品已上官青傘朱裏其青傘碧裏達於士人不  
禁

正從第一品執事官散官及儀同二司諸公主得乘  
油色朱絡網車車牛飾得用金塗及純銀二品三品  
得乘卷通轆車車牛飾用金塗四品已下七品已上  
得乘備轆車車牛飾用銅

尚書令給哄七十五人左右僕射御史中丞各十二人  
○周氏設六官置司輅之職以掌公車之政辨其名  
品與其物色

皇帝之輅十有二等一曰蒼輅以祀昊天上帝二曰  
青輅以祀東方上帝三曰朱輅以祀南方上帝及朝  
日四曰黃輅以祭地祇中央上帝五曰白輅以祀西  
方上帝及夕月六曰玄輅以祀北方上帝及感帝祭  
神州此六輅通漆之而已不用佗物為飾皆疏面旒  
就以方色俱十有二疏面刻皮當顯七曰玉輅以享先皇加  
元服納后八曰碧輅以祭社稷享諸先帝太貞於龜  
食三老五更享食諸侯及耕藉九曰金輅以祀星辰  
祭四望視朔大射賓射饗羣臣巡犧牲養國老十曰



象輅以望秩羣祀視朝燕諸侯及羣臣燕射養庶老

適諸侯家巡省臨太學幸道法門十一曰革輅以巡

兵即戎十二曰木輅以田獵行鄉畿此六輅又以六

色漆而畫之用玉碧金象革物以飾諸末皆錫面金

鈎就以五采俱十有二錫面鑲金當鈎以屬勒鞞

皇后之車亦十二等一曰重翟以從皇帝重翟羽為車蕃祀

郊禘享先皇朝皇太后二曰厭翟以祭陰社次其社羽也三

曰翟輅以採桑翟羽飾之四曰翠輅以從皇帝見賓客翠羽飾之

五曰雕輅以歸寧列諸末也六曰篆輅以臨諸道法門篆諸飾也

六輅皆錫面朱總總以朱絲為之置焉勒直兩耳與兩總也金鈎七曰蒼

輅以適命婦家八曰青輅九曰朱輅十曰黃輅十一

曰白輅十二曰玄輅五時常出入則供之六輅皆疏

面績總以畫縵為之

諸公之輅九方輅各象方之色碧輅金輅皆錫面鞞縵九

就金鈎象輅犀輅貝輅革輅象輅木輅皆疏而鞞縵

九就凡就皆以朱白象蒼三采諸侯自方輅而下八又無

碧輅諸伯自方輅而下七又無金輅諸子自方輅而

下六又無象輅諸男自方輅而下五又無犀輅凡就

各如其命

諸公夫人之輅車九厭翟翟輅翠輅皆錫面朱總金

鈎雕輅篆輅皆勒面刻白黑韋為當顯績總朱輅黃輅白輅

玄輅皆雕面刻漆韋為當顯駮馬總總青黑色緇其者如朱總諸侯夫人自

翟輅而下八諸伯夫人自翠輅而下七諸子夫人自

雕輅而下六諸男夫人自篆輅而下五般華纓就數各

視其君

公孤卿大夫皆以中之色乘祀輅士乘祀車

三公之輅車九祀輅犀輅具輅篆輅木輅夏篆夏纒

禮記

墨車較車自篆已上金塗諸末疏錫般華纓金鈎木輅

已下銅飾諸末疏般華纓皆九就三孤自祀輅而下八

無犀輅六卿自祀輅而下七又無具輅上大夫自祀

輅而下六又無篆輅中大夫自祀輅而下五又無木

輅下大夫自祀輅而下四又無夏篆士車三祀車墨

輅較車凡就各如其命之數自孤下就以朱綠一采

○三妃三公夫人之故也九篆輅朱輅黃輅白輅玄輅

皆勒面績總夏篆纒墨車較車皆雕面駮馬總三妃

三孤內子自朱輅已下八六嬪六卿內子自黃輅而

下七上媛婦中大夫注人自玄輅而下五下媛婦大  
 夫孺人自夏篆而下四御婉士婦人自身綬而下三  
 其般鞶纁就各以其等皆管縹漆之君以赤卿士大夫士  
 以玄君駕馬四下物六轡卿大夫駕三二軻五轡士駕  
 二二軻四轡

輅之制重輪重較而加耳焉皇帝皇后之輅與廣六  
 尺有六寸輪高七尺畫輪轂駟衡以雲牙箱軾以虞  
 文犀內畫以雜獸狀獸伏以鹿倚較諸侯及夫人命夫命  
 婦之輅車廣六尺有二寸輪崇六尺有六寸畫轂以雲

牙軾以虞文犀內畫以雲華鹿倚較士不畫后夫人  
 內子已下同去獸與鹿

凡旗太常畫三辰五期旂畫青龍皇帝升龍旗畫朱

雀旌畫黃麟旌畫白獸旒畫玄武皆加雲其旌物在

軍亦畫其士號加之以雲氣徽幟亦如之通帛為旌

在軍亦書其人官與姓名之事舉旌節又畫白獸

而折羽於其上

司常掌旗物之藏通帛之旒六以供郊丘之祀一曰

蒼旗二曰青旗三曰朱旗四曰黃旗五曰白旗六曰

蒼旗

玄旗畫纁之旗六以充玉輅之等一曰三辰之常二  
曰青龍之旗三曰朱鳥之旗四曰黃麟之旗五曰白  
獸之旗六曰玄武之旗皆左建旗而右建搦戟又有  
繼旗四以施軍旅一曰麾以供軍將二曰旛以供師  
帥三曰旅以供旅帥四曰旂以供倅長諸公方輅碧  
輅建旂金輅建旗象輅建物木輅建旒諸侯自金輅而  
下如諸公之旗諸伯自象輅而下如諸侯之旗諸子自  
犀輅而下如諸伯之旗諸男自象輅而下如諸子之  
旗三公犀輅具輅象輅建旒木輅建旒夏象夏纁及戟

車建物孤御已下各以其率建其旗

旌杠皇帝六刃諸侯五刃大夫四刃士三刃

旒皇帝曳地諸侯及軾大夫及軾士及軾凡注毛於

柱首曰綬析羽曰旌全羽曰旛其慘皇帝諸侯加以

弧鞬搨戟方六尺而被之以黻唯皇帝諸侯輅建焉

搨戟在綱與旗同車之蓋圓以象天輿方以象地輪輻三十

以象日月蓋檠二十有八以象列宿設和鑿以節趨

行被旗旒以表貴賤其取象也大其彰德也明是以

王者尚之

皇帝皇后在喪之車五：一曰木車，初喪乘之；二曰素車，卒哭乘之；三曰藻車，既練乘之；四曰駟車，祥而乘之；五曰漆車，禫而乘之。及平，齊得其寶，輅藏於中府，盡不施用。至大象初，遣鄭譯、閔視、武庫、得、魏、舊、物、取、尤、異、者，並加雕飾，分給六宮。有乾象輦，輦羽葆，圓蓋，畫日月五星二十八宿天街雲華山林奇怪及遊鱗飛鳳朱雀雙玄武騶虞青龍駕二十四馬，以給天中皇后助祭。則乘又有大樓，乘車龍輶十二，加以玉飾四轂六銜。方輿圓蓋，金雞樹羽寶鐸，旒蘇纒，雀立銜六螭龍銜，輶建大常，畫升龍日月，駕二十牛。又有象輦，左右金鳳白鹿仙人羽葆，旒蘇金鈴玉佩，初駕二象，後以六駟代之。并有遊觀小樓等輦，駕十五馬，車等合十餘乘。皆魏天興中之所制也。宣帝至是，咸復御之。復令天下車皆以渾成木為輪。

開皇元年，內史令李德林奏：周魏輿蓋乖制，請比日廢毀。高祖從之。唯留魏太和時儀曹令李韶所製五輅。齊天保所遵用者，又留魏熙平中太常卿穆紹議皇右之輅。其從祭則御金根車，親祭則御雲母車，並駕

四馬歸寧則御紫罽車遊行則御安車弔問則御紺罽車並駕三馬於後著令制五輅

玉輅青質以玉飾諸末重箱盤與左青龍右白虎金鳳翅畫虞文鳥獸黃屋左畫縣金鳳在軾前八纒馬在衡二鈴在軾龍轡前設鄣鹿畫且蓋黃裏繡飾博山鏡子樹羽輪皆朱斑重牙左建旗十有二旒慘旒皆畫升龍其長曳地方載闡戟長四尺廣二尺綴文旂首金龍頭銜綵綬及鈴綏駕蒼龍金鈿方鈿插翟尾五雉鑿錫鑿纓十有二就

錫馬當轡鑿金為之轡車馬大帶纓馬鞅皆以五彩彩飾之就成也一而為一就

禮記

祭祀納后則供之

金輅赤質以金飾諸末左建旗右建闡戟旗畫鳥隼餘與

玉輅同駕赤駟朝朝會同饗射飲至則供之

象輅黃質以象飾諸末左建旗右建闡戟旒畫黃麟駕黃

駟行道則供之

革輅白質輓之以革左建旗右建闡戟旒畫白獸駕白輅

巡守臨兵事則供之

木輅漆之左建旒右建闡戟旒畫龜蛇駕黑駟田獵則供

之五輅之蓋旌旗之質及擊纓皆從輅之色蓋之裏

俱用黃其鏤錫五輅同

安車飾重輿曲辟紫油纁朱裏通憶朱絲絡網朱轡  
纓朱覆髮具絡駕赤駟臨幸則供之

四望車制同金飾青油纁朱裏通憶丹陵臨幸則供之

○皇后皇太后重翟青質金飾諸末末輪金表朱牙

其箱飾以重翟利青油纁朱裏通憶諸末末輪金表朱牙

網纁紫絡帶八鑿在衡錫轡纓十二就金髮方金飾

翟尾朱總總以朱爲之如馬纒而小駕養龍受冊從

郊禱身廟則供之

禮儀志

厭翟赤質金飾諸末輪畫朱牙其箱飾以次翟羽紫  
油纁朱裏通憶紅錦帷朱絲絡網紅錦絡帶其餘如  
重翟駕赤駟親乘則供之

翟車黃質金飾諸末輪畫朱牙其車側飾以翟羽黃  
油纁黃裏通憶白紅錦帷朱絲絡網白紅錦絡帶其  
餘如重翟駕黃駟歸寧則供之諸翟纓之色皆從車  
質

安車赤質金飾紫通憶朱裏駕四馬臨幸及弔則供  
之

皇太子金輅赤質金飾諸末重輅箱畫虞文鳥獸黃  
屋伏鹿軾龍輅金鳳一在軾前護郭塵蓋黃裏輪  
畫朱牙左建旂九旒右載闌戟旂首金龍頭銜結綬  
及鈴綬駕赤駟四八鑾在衡一鈴在軾金以受方旋押  
翟尾五雉鑲錫鞶纓九就從祀其止冬大朝納祀則  
乘之  
輅車金飾諸末紫通幟朱裏駕一馬五日常朝及朝  
饗宮臣出入行道乘之

四望車金飾諸末紫油纁通幟末裏朱絲絡網駕一

馬弔臨則乘之

八公及一品象輅黃質以象飾諸末建旛畫以鳥集受  
冊告廟升壇上任親迎及葬則乘之

侯伯及二品三品革輅白質以革飾諸末建旛以熊  
獸受冊告廟親迎及葬則乘之

子男及四品木輅黑質以漆飾之建旒畫以龜蛇受  
冊告廟親迎及葬則乘之

象輅已下旒及就數各依爵品雖依禮制名未及創  
造開皇三年閏十二月並詔停造而盡用舊物至九



年平陳又得輿轡舊者以付有司所不載者並  
皆毀弃雖從儉省而於禮多闕十四年詔又以見所  
乘車輅因循近代事并經典令更議定於是命有司  
詳考故實改造五輅又副玉輅青質祭祀乘之金輅  
亦質朝會禮還乘之次輅黃質臨幸乘之革輅白質  
戎事乘之木輅玄質耕藉乘之五輅皆朱斑輪龍軻  
重輿建十二旒並畫十二龍左建闌戟旂流與輅同色樊  
纓十有二就玉五等開國第一第二品及刺史故朱  
質朱蓋斑輪左建旂以畫並龍一升一降右建闌戟第

禮儀志

二第四品輅朱質朱蓋左建旒通帛爲之旂獵皆赤  
其旒及樊纓就數各依其品大業元年更製車輅  
五輅之外設副車詔尚書令樊公揚素吏部尚書哥  
章公牛弘工部尚書安平公宇文愷內史侍郎虞世  
基禮部侍郎許志心大府少卿何稠朝請郎閻毗等  
詳議奏決於是審擇詳前朝故事定其取捨云

玉輅禮祀所用飾以玉白武通云玉輅大輅也周禮  
巾車氏所掌鑊錫樊纓十有再就建太常十有二旒  
虞氏謂之縶馬車夏后氏謂之鈎車殷謂之大輅周

謂之乘輅大戴禮著其形式上蓋如規象天二十八  
揅象列星下方圓象地三十輻象一月前視則觀鑿  
和之聲側則觀四時之運昔成湯用而郊祀因有  
山車之瑞亦謂祭社車祭邑獨斷論漢制度凡乘輿  
車皆有六馬利蓋金瓜黃屋左纛鑿方鉞重轂繫  
纓黃繒爲蓋裏也左纛以旌牛尾建於竿上其大如  
斗立於六駢也鑿方高闊各五寸上如契形施於髮  
上而插翟尾也方鉞當轡蓋馬冠也繫纓膺前索也  
重轂重施轂也應劭漢官大略龍旂畫龍於旂上也

董巴志謂爲瑞山車秦謂金根即轂輅矣司馬彪志  
亦云漢備五輅或謂德車其所駕馬皆如方色唯晉  
大常御擊虜獨疑大輅謂非玉輅擊虜之說理實可  
疑而歷代通儒混爲玉輅詳其施用義亦不殊左  
建大常義釋名日月爲常畫日月於旗端言當明  
也又云自夏始也奚仲爲夏車正加以旂常於是旒  
龍有差用明尊卑之別也董巴所述全明漢制天子  
建大常十二旒曳地日月升龍象天明也今之玉輅  
參用舊典消息取捨裁其折中以青爲質玉飾其末

重箱盛輿左龍右獸金鳳翅畫虞文輓左正畫金鳳  
一在轅前八鸞在衡二鈴在軾龍輓之上前設鄣塵  
青蓋黃裏繡游帶金博山綴以鏡子下垂八佩樹四  
十葆羽旒皆朱班重牙復轄左建大常十有二旒皆  
畫升龍日月其長曳地方載闡戟長四尺闊三尺蔽  
文旗首金龍頭銜鈴及綵垂以結綬駕蒼龍金象方  
鉞插翟尾五雉鏤錫加華纓十有二就皆五繒屬以爲  
文飾天子祭祀納后則乘之馭士二十八人餘輅准  
此

副車案蔡邕獨斷五輅之外乃復設五色安車方車  
各一乘皆駕四馬是爲五時副車俗人名曰五帝車  
者蓋副車也故張良狙擊秦皇帝誤中副車漢家制  
度亦備副車司馬彪云德車駕六後駕四是爲副車  
魏志亦云天子命太祖駕金根六馬設五時副車江  
左乃闕至梁始備開皇帝中不置副車平陳得之毀而  
弗用至是復並設之副玉輅色及旗章一同正輅唯  
降二等駕用四馬馭士二十四人餘四副准此  
金輅案尚書即綴輅也周官金輅鏤錫繁纓九就建

大旂以賓同姓以封夫禮窮則通下得通於上也故  
天子乘之接賓宴同姓諸侯受而出封是以漢太子  
諸王皆乘金輅及安車並朱班輪倚獸較伏鹿軾黑  
檟文畫藩青蓋金華施燎朱畫轅金塗飾非皇子爲  
王不錫此乘皆左右駢駕三馬旂九旒畫降龍皇孫  
乘綠車亦駕之魏晉制太子及諸王皆駕四馬依摯  
虞議天子金輅次在第二又云金輅以朝象輅以賓  
則是晉用輅與同異矣宋起居注泰始四年尚書令建  
安王休仁議天子之元子士也故齒曹於辟雍欲使知

教而後尊不得生而貴矣既命之後禮同上公故天  
子賜之金輅但減旂章爲等級象及華木賜異姓諸  
侯在朝卿士亦准斯例此則皇太子及帝子王者通  
得乘之自晉過江王公以下車服卑雜唯太子禮  
秩崇異又乘山石安車義不經見事無所出賜金輅  
者此爲古制降乘輿一等駕用四馬唯天子五輅通  
駕六馬旂旌旗旒並十二旒左建旛案爾雅錯革鳥  
曰旛郭璞云此謂全剝鳥皮毛置之竿上也舊說刻  
爲革鳥孫叔敖云革急也言畫急疾鳥於旒上也周

官所謂鳥隼為旗亦是急義今之金輅亦仿黃金飾  
諸末左建旗畫飛隼右建闌戟鞶輿鳳翅等並同玉  
輅駕赤駟臨朝會同饗射飲至則用之皇太子輅古  
者金飾宋齊以來並乘象輅宇文愷閭毗奏案宋大  
明六年初備五輅有司奏云秦改周輅創制金根漢  
魏因循其形莫改而金玉二輅雕飾略同造次瞻覩  
殆無差別若錫於東儲在禮嫌重非所以崇峻陛級  
表示等威今皇太子宜乘象輅碧旂九葉進不斥尊  
退不逼下酌時公古於禮為中觀宋此義乃無副車

禮志

新置五輅金玉同體至象已下即為差降所以太子  
不得乘金輅欲示等威故今給象今取周禮之名依  
漢家之制天子五輅形飾並同旒及敏繁纓例皆十二  
黃屋左畫懸金根重轂無不悉同唯應五方色以為殊  
耳若用此輅給於太子華木盡皆不可何況金象若  
乎既製副車駕用四馬至於金輅自有等差春秋之  
義降下以兩今天子金輅駕用六馬十二旒太子金  
輅駕用四馬降龍九旒制頗同於副車又有旌旗之  
別并嫡皇孫及親王等輅並給金輅而減其雕飾合

禮志

卷之五

五

二

李祥

於古典臣謂非嫌制曰可於是太子金輅赤質制同  
副車具體而小亦駕四馬馭士二十人皇嫡孫金輅  
綠質降太子一等去盤輿重轂轅上起箱末以金飾  
旌長七刃七旒駕用四馬馭士一十八人親王金輅  
以赤爲質餘同於皇嫡孫唯在其國及納地親迎則  
給之常朝則乘象輅

象輅案尚書即先輅也周禮象輅朱繁纓五就建大  
赤以朝異姓以封左建旌案爾雅注旌首曰旌許慎  
所說游車載旌廣雅云天子旌高九刃諸侯七刃大夫

五刃周書王會張羽旌旌禮記云龍旂九旒天子之  
旌也今象輅以黃爲質象飾諸末左建旌畫綠麟右  
建闌戟駕黃駟祀后土則用之

革輅案釋名天子車也周禮革輅龍勒條纓五就建  
大白用之即戎以封四衛古者革輅而漆之更無佗  
飾又有戎輅之萃廣車之萃闕車之萃輕車之萃此  
皆兵車所謂五戎然革輅亦名戎輅天子在軍所乘  
廣車橫陣車也闕車補闕車也飾並以革故師供革  
車各以其革摯虞議云革輅第四左建旌案釋名熊

獸為旗周官龍旂九旒以象大火今革輅白質鞅之  
以革左建旗畫鷩虞右建闐戟駕白駱巡守臨兵則  
用之三品已下並乘革輅朱色為質馭士十六人  
木輅案尚書即次輅也周官木輅緇樊鵠纓建麾以  
旼以封藩國晉執事虞云旼輅第五唯宋泰始詔乘木  
輅以耕稼徐爰釋疑略曰天子五輅晉遷江左闕其  
三唯有金輅以郊木輅即戎宋大明時始備其數  
凡五輅之蓋旌旗之質及鞶纓皆從方色蓋裏並黃  
雕飾如一沈約曰金象革木禮圖不載其形今旒數

羽葆並周土輅左建旒案周官龜蛇為旒釋名云龜  
知氣兆之吉凶也許慎云旒有四旒以象象營室今木  
輅黑質漆之左建旒畫玄武右建闐戟駕黑駟旼獵  
用之四品方伯乘木輅亦質馭士十四人

安車案禮卿大夫致事則乘之其制如輜輶蔡邕獨  
斷有五色安車皆畫輪重輿曲壁紫油幢絳裏通幃  
朱絲絡網亦鞶纓馮四馬省問臨幸則乘之皇太子  
安車班輪赤質制略同乘輿亦馮四馬

四望車案晉中朝大駕鹵簿四望車駕牛中道東宮

舊儀皇太子及妃皆有畫輪四望車今四望車制同  
犢車黃金飾青油幢朱裏紫通幟紫絲網駕一牛  
拜陵臨弔則用之皇太子四望車綠油幢青通幟朱  
絲絡網

耕根車案沈約云親幸耕籍御之三蓋車一名芝車  
又名耕根車置耒耜於軾上即潘岳所謂紺轅屬於  
黨籍者也開皇無之駕出親耕則乘木輅蓋依宋恭  
始之故事也今耕根車以青爲質三重施蓋羽葆雕  
裝並同玉輅駕六馬其軾平以青囊盛耒而加於上  
籍千畝行三推禮則親乘焉

羊車案晉司隸校尉劉毅奏護軍羊琇私乘者也開  
皇無之至是始置焉其制如輅車金寶飾紫錦幟朱  
絲網馭童二十人皆兩鬟髻服青衣取年十四五者  
爲謂之羊車小史駕以果下馬其大如羊屬車案古  
者諸侯貳車九乘奏滅九國兼其車服故爲八十一  
乘漢道不改武帝祠太一甘泉則盡用之明帝上原  
陵又用之法駕三十六乘小駕十二乘開皇中大駕  
十二乘法駕減半大業初屬車備八十一乘並如犢



車紫通幟朱絲絡網黃金飾駕一牛在鹵簿中單行  
正道至三年二月帝嫌其多問起部郎關毗毗曰臣  
共字文愷參詳故實此起於秦遂為後武故張衡賦  
云屬車九九是也次及法駕三分減一此漢制也故  
文帝紀奉天子法駕迎代郎如淳曰屬車二十六乘  
是也又據宋孝建時有司奏議晉遷江左唯設五乘  
尚書令建平王宏曰八十一乘無所准憑江左五乘  
儉不中禮但帝王旂旒之數皆用十二今宜唯此設  
十二乘開皇平陳因以為法今憲章往古大駕依秦  
六法駕宜用十二小駕除之可也

輦案釋名人所輦也漢成帝遊後庭則乘之徐爰釋  
問云天子御輦侍中陪乘今輦制象輅車而不施輪  
通幟朱絡飾以金玉用人荷之

帝始也

輿案說文云籒竹輿也周官曰周人上輿漢室制度  
以雕為之方徑六尺今輿制如輦而但小耳宮苑宴

私則御之

小輿憶方形同幢帳自閣出升正殿則御之

輶車案六韜一名遙車蓋言遙遠四顧之車也漢武帝迎申公弟子二人乘輶傳從此又是馳傳車也晉氏鹵簿御史輶車行中道晉公卿禮秩云尚書令輶黑耳後戶令輶車青通憶駕二馬王侯入學五品朝婚通給之司隸刺史及縣令詔使品第六七則並駕一馬

輶車案魏武書贈楊彪七香車二乘用牛駕之蓋輶車也長沙耆舊傳曰劉壽常乘通憶車今輶車通憶自王公已下至五品已上並給乘之二品已上青憶朱裏五品已上紺憶碧裏皆白銅裝唯有慘及弔喪者則不張憶而乘鐵裝車六品已下不給任自乘輶車弗許施憶初五品已上乘徧憶車其後嫌其不美停不行用以豆憶代之三品已上通憶車則青壁一品輶車油憶朱網唯車輅一等聽勅始得乘之馬珂三口已上九子四品七子五品五子皇太后重翟車案周禮正后亦有五輶一曰重翟二曰

三十三卷二  
李

厭翟三曰安車四曰翟車五曰輦車漢制后法駕乘  
重翟車今重翟青質金飾諸末之裏金根朱牙重轂  
其箱飾以重翟羽青油幢朱裏通憶紫繡帷朱絲絡  
紫繡帶八鑿在衡鏤錫盤纒十有二就金髮方鉞插  
翟尾朱總綴於馬勒及兩金鑣之上駕蒼龍受冊從  
祀郊禘享廟則供之

厭翟赤質金飾諸末朱輪畫朱牙其箱飾以次翟羽  
紫油幢朱裏通憶紅錦帷朱絲絡網紅錦帶其餘如  
重翟駕赤駟採桑則供之

翟車黃質金飾諸末輪畫朱牙其箱飾以翟羽黃油  
幢黃裏通憶白紅錦帷朱絲絡網白紅錦帶其餘如  
重翟駕黃駟歸寧則供之諸鑿纒之色皆從車質  
安車金飾紫通憶朱裏駕四馬駟幸及弔則供之  
輦車金飾同於蓬輦通憶班輪駕用四馬宮苑近行  
則乘之

皇太后屬車二十六乘初宇文愷開隋奏定請減乘輿  
之半禮部侍郎許善心奏駁曰謹案周禮后備六服  
并設六輅采章之數並與王同屬車之制不應獨異


又宋孝建時議定輿輦天子屬車十有二乘至大明  
元年九月有司奏皇后副車未有定式詔示禮官議  
正其數博士王燮之議鄭玄云后乘五立六宮亦正  
寢一而燕寢五推其所立每與二同謂十二乘通關  
為允宋帝從之遂為後式今請依乘輿不須差降制  
曰可

三妃乘翟車以赤為質駕二馬元嬪已下並乘犢車  
青幟朱絡網

皇太子妃乘翟車以赤為質駕二馬畫轅金飾犢車  
為副紫幟朱絡網良娣已下並乘犢車青幟朱重裏  
三公夫人公主王妃並乘犢車紫幟朱絡網五品已上  
命婦並乘青幟與其夫同

隋書卷第十終 志第五 禮儀五

24330.5



乙六月初十日校

本九

陽曆一九一一年

二二二

